

**SPIRITUS  
ADOPTIONIS SIVE  
DE S. SPIRITUS  
ADVENTU ORATIO  
HABITA IN...**

---

Giovanni Battista Luzzago



SPRINTS

STATION

DESPERATE

WARRIOR

ORATIO

THE

THE

THE

THE

THE

THE

THE

THE

THE

# INNOCENTIO XII.

## PONT. MAX.

### JOANNES BAPTISTA LUZZAGO


Æelicitatem .



*S*piritus Adoptionis , qui  
 hodie omnes Mortales adsciscit in  
 Filios , jamdiu animum tuum altius  
 insedit B. P. Hoc siquidem Spiritu  
 afflatus Pauperes omnes in Nepotes  
 Tuos, ac Filios adoptasti, & qui Pon-  
 tificie Charitatis amplitudine Pater  
 es omnium Credentium , singularita-

men animi Tui propensione Paupe-  
rum potissimum Pater esse voluisti;  
in hoc etiam Deo simillimus, cui no-  
bilibus inter rationales Creaturas  
pratermissis nos placuit redimere.  
Hac igitur amoris Tui benignitate  
non mediocriter erectus, miserum  
hunc, & tenuem ingenii mei partum  
Tibi sistere non dubitavi, futurum  
confidens, ut quāto ille vilior est,  
& ignobilior, tantò dignior censeatur  
Adoptione Tua, & Patrocinio.





# ORATIO.



Térilis intra, & Infœcundus  
 Divinus Spiritus hodie Genus  
 humanum adoptat in filium.  
 B. P. *Accepistis*, inquit Paulus,  
*Spiritum Adoptionis*, in quo cla-  
 mamus *Abba Pater*. Sempiternam Orbitatem  
 multiplici prole coronat factus omnium gen-  
 tium Pater, quas, ut admirabilem utriusque  
 Personæ fœdunditatem æmuletur, amando  
 simul regenerat, & dicendo; linguis, & igne.  
 Ut similes nos faceret Verbo, linguas novæ  
 generationis jussit esse instrumenta; ut simi-  
 les redderet sibi, authorem novæ hujus, &  
 divinæ vitæ esse voluit Amorem. Sic hodie  
 novum additum decus Divinæ fœcunditati,  
 & supremum prope impositum coronamen-  
 tum; factum est enim, ut sicut à sola locutio-  
 ne Alter, Alter à solo amore ducunt Origine-  
 nem

nem, ità hodiernæ Adoptionis beneficio aliqui essent, qui ex locutione simul, & amore traherent Vitam.

*Accepistis, inquit, Spiritum Adoptionis. Pro Singularis humanæ Naturæ commendatio! Ea enim est Adoptionis conditio, ut quos adoptamus in filios, gignere maluissemus: solamur imaginaria hac, & umbratili productione amorem nostrum, qui verus esse illorum Parens ambiret. Quin etiã tales eligere consuevimus, quales voluissemus producere; non eligerentur, nisi vota implerent nostra, & æquarent Idæam: ut proinde certius sit paterni amoris argumentum adoptio, quàm productio; potes enim non amare, quem genueris; non potes quem eligas. O igitur gloriosissimam nobis hodiernam adoptionem! O beatissimum diem, quo ipse Spiritus testimonium reddit Spiritui nostro, quod sumus Filii Dei!*

Maïori tamen admiratione dignum crediderim, quod Spiritus Adoptionis ministerio in Filios nos Deus adoptat iam Deo Filio abunde dives. Humanam etenim Adoptionem non tàm amor suadet, quàm dolor:

Calamitatis illa solatium est, atque solitudinis; & necessariam eam facit inopia filiorum; ut prope nescias uter alteri plus debeat, adoptans, an adoptatus: instituit ille hæredem, hic facit Patrem. Facile præterea est amorem, quem otiosum cæteroquin perderes, alteri impendere; nec magnum quid ego censuerim ab eo diligi, qui neminem habet, qui amari magis mereatur, aut debeat. Hoc ego omnium laudum præconiis, omniumque ætatum invidia dignum semper putavi ab eo adscisci in filium, qui non in senectutis suæ præsidium, non in familiæ propagationem, non in Patrimonii custodiam, non in amoris sui occupationem, sed adoptat Deo Filio satis superque beatus. Ita ne ultra Deum Filium alios filios optare potuit Divina foecunditas! Ita ne tanto coram filio nos etiam citra illius iniuriam, citra Parentis ignominiam Dei Filii nuncupari, & esse potuimus!

Esse inquam Auditores. Siquidem hoc etiam humanæ præcellit Adoptio Divina. Possunt sane per illam communicari nobis Opes paternæ, honores, affinitates, familia,



cognomen; Natura non potest. Quapropter dum splendidam filii nomenclaturam usurpamus, specioso mendacio vota nostra decipientes abutimur præstantissimo nomine revera hæredes potius, quàm filii. Quantò igitur præstantius, quantò felicius *Quicumque Spiritu Dei aguntur, hi sunt filii Dei!* Quibus non inane nomen, & nudum, non externa instabiliū fortunarum præsidia, sed ipsa Divinæ Naturæ societas, & consortium contingit. Hodie demum Divino Paracleto adspirante impleta sunt Vota amantissimi Reparatoris petentis à Patre, *sicut tu Pater in me, & ego in te, ut & ipsi in nobis unum sint.* Coalescimus cum Deo in Unitatem quandam Naturæ, ut possit jam de nobis pronunciari *Dii estis, & Filii Excelsi omnes.*

Restat igitur, ut qui hætenus viximus tanquam filii hominum, eam in posterum instituamus vivendi rationem, quæ deceat Filios Dei.

F. T. N. I. S.